

81723

0056835

存二册

女 科 歌 訣

清·邵 登 瀛 著

人民卫生出版社



內 容 提 要

本書是用歌訣體編寫的女科（婦科）專書，便于初學中醫者閱讀。全書分六卷：卷一講經水，卷二講經閉，卷三講崩漏，卷四為赤白帶，卷五為胎妊，卷六為產后。全書內容包括婦科各種主要疾病，議論簡明正確，選用方藥也多有效；并以韻語寫成，便于誦記。書末所附爛喉痧及霍亂轉筋各方，亦具有實用價值。故本書是初學中醫者學習中醫婦科的一種較好的參考書。

女 科 歌 訣

開本：787×1992/32 印張： $\frac{1}{2}$ 字數：11 千字

清 邵登瀛 著

人 民 衛 生 出 版 社 出 版

（北京書刊出版登記證出字第〇四六號）

• 北京崇文區錢子胡同三十六號 •

中國科學院印刷廠印刷

新華書店科技發行所發行 · 各地新華書店經售

統一書號：14048·2282

定 價：0.07 元

1960年9月第1版—第1次印刷

（北京版）印數：1—12,500





A0013758

卷之一 經 水

四物湯(2) 八物湯(2) 溫經湯(2) 2)
 大延 伏龙肝散(2) 調莖湯(2) 犀 黃湯(2)
 桃仁 2) 逍遙散(2) 小柴胡湯(2) 玉燭 (3)

卷之二 經 閉

越鞠丸(3) 導痰湯(3) 逍遙散(3) 白虎湯(3)
 紅花散(4) 玉燭散(4) 溫經湯(4) 分心氣飲(4)

卷之三 崩 漏

益胃升陽湯(5) 涼血地黃湯(5) 升陽舉經湯(5)
 膠艾湯(5) 四物湯(5) 四君子湯(5)
 梔白皮散(5) 補中益氣湯(5)

卷之四 赤白帶

二陳湯(6) 魏君元濟陰丹(6) 小胃丹(6) 人參黃芪湯(6)
 加味四物湯(6) 滋陰降火湯(7) 五苓散(7) 益胃升陽湯(7)

卷之五 胎 妊

人參橘皮湯(8) 全生白朮散(8) 子淋散(8) 麥門冬飲(8)
 羚羊角散(8) 芎歸膠艾湯(8) 安胎飲(9) 達生散(9)
 佛手散(9) 十月養胎(9) 藥物禁忌歌(9)

卷之六 产 后

五積交加散(10) 葱白散(10) 四物湯(10) 四君子湯(10)

当归川芎湯(11)	失笑散(11)	麻仁丸(11)	延胡琥珀散(11)
聚宝丹(11)	七珍散(11)	益母濟陰丹(11)	硃砂安神丸(11)
清魂散(11)	抵聖湯(11)	荊芥散(11)	續命煮煎(11)

附經驗方..... 12

爛喉痧..... 12

異功散(12)	普濟消毒飲(12)	鼠粘子湯(12)
---------	-----------	----------

轉筋霍亂..... 12

至寶回生丹(13)	回陽救急散(13)	又措方(13)	又擦方(13)
扁鵲玉壺丹(13)			

卷之一 經 水

婦人之病，与男子同，月經胎产，方論不共（不同也）。

所謂經血，心主脾生，冲为血海，灌溉諸經。

經絡之余，是为月候，三旬一見，調准無咎。

过期为虛，四物參芪，略加桃紅，引用相宜。

不及期来，乃屬血热，四物芩連，清热养血。

將行作痛，郁滯不通，四物延牡，青附桃紅。

行后作痛，血虛宜补，八物湯中，延胡入剂。

紫色屬热，淡色屬痰，治痰治热，須以脉參。（洪数为热，滑大为痰）。

經凝作痛，新旧相搏，血室停寒，宜溫經藥。

淋漓不断，断后复来，或为澁滯，桃仁散該。

臍腹作痛，癥瘕寒疝，消息虛实，大延胡散。

五色相杂，注下不时，冷痛日久，伏龙肝宜。

邪客經凝，血化为水，泛濫为腫，調营分理。

火載血上，錯經迷方，为吐为衄，犀角地黄。

入于大腸，犹如血痢，去瘀生新，桃仁承气。

血虛潮热，經候不調，腰臍脹滿，乃用逍遙。

伤寒發热，适逢經至，热入血室，或行或止，晝則明了，夜則詭語，四物小柴，二方合之；甚則玉燭，下之亦宜。

师尼寡妇，独陰無陽，慾願不遂，火动不常。陰陽交爭，乍寒乍热，絕似溫瘧，久成劳怯。

經事不調，白淫杂下，头眩膈滿，肢瘦力疲，肝脉独弦，出

于寸口，是为陰盛，治随脉候。

四物湯 归入心脾地入腎，芍入肝脾欽陰分，芍能通行血中气，最治血家百种病。血药主方，調經随症加減。

八物湯 八物湯名即八珍，就于四物配参苓，朮焦草芩同相用，气血兼疗最有灵。

溫經湯 溫經归芍牡川芎，参桂莪甘牛膝同，血室凝寒新旧搏，繞脐气滯痛难通。治經水不通，繞脐寒痼痛甚，及寒客血室，血滯不行，新旧相搏作痛。

桃仁散 桃仁散桂半参丹，四物蒲甘漆澤蘭，經断复来来复断，腹疼血滯服之安。治月水不調，或淋漓不断，断而复来，血滯作痛。

大延胡散 大延胡散朴檳黃，赤芍归芍橘木香，蓬稜桂棟苓甘草，痼痼攻冲痛莫当。治腹中滿痛，或痼痼痞塊，血气攻痛。

伏龙肝散 伏龙肝散芍归芍，赤脂甘艾桂姜冬，冲任脉虛經色杂，腰脐腹痛冷攻冲。治劳病冲任脉虛，經血不时注下，或如豆汁，五色相杂，腰腹冷痛。

調营湯 調营十七桂延蓬，赤芍归芍赤茯同，辛草桑皮芷陈腹，檳萆瞿麦大黃攻。治瘀血留滯，血化为水，四肢浮腫，皮肉赤紋。

犀角地黄湯 犀角地黄芍牡丹，吐如潮湧衄如湍，若逢蓄血色应黑，审症投之即見安。治經水不調，火載血升，为吐为衄。

桃仁承气湯 桃仁承气用硝黃，攻血通陰入大腸，益以牡丹归尾芍，妇人腹痛定安康。治經水不調，血被火搏，滲入大腸，有如血痢，肚腹作痛，用此主之。

逍遙散 逍遙白朮芍归苓，薄荷柴甘七味灵，室女童男潮晡热，調經除热最为神。治血虛煩热，及潮热往来，月水不調，脐腹作痛。加味用山梔丹皮。

小柴胡湯 小柴胡湯參夏草，更有黃芩加姜棗，和解方中推第一，少陽百病奏奇效。治婦人傷寒，及勞役發熱，適遇經行，致熱入血室；其血或閉或不止，寒熱往來，晝則明了，夜則諳語，用小柴胡湯合四物湯服之。

玉燭散 白芍芎歸并地黃，硝黃甘草配相當，調胃承氣合四物，兩方合用莫遺忘。治經閉發熱，六腑閉結。

卷之二 經 閉

二陽之病，發于心脾，不得隱曲，女子不月。
月事不來，胞脉閉也，胞脉屬心，不下通也。
是知經血，責在心脾，通其閉塞，各有所宜。
七情所傷，抑遏停結，越鞠丸子，疏其郁結。
軀脂滿閉，經道閉塞，導痰湯者，通其經隧。
脾虛少食，羸瘦潮熱，用宜逍遙，可使熱撤。
中消胃熱，血液不生，先清胃熱，白虎人參。
血滯作痛，紅花當歸，經閉腹滿，玉燭無違。
血海虛冷，溫經是已，氣滯不通，分心理氣。
有等女人，性執愚魯，脉道不通，經事向阻，難以藥攻，戒勿過與。

越鞠丸 越鞠丸神香附子，川芎蒼朮炒山梔，六般郁結須當用，氣暢胸舒痞自除。治七情郁結，經水不行。

導痰湯 導痰原用二陳湯，枳實南星并一方，不獨化痰兼利氣，脂充經滯服之康。治脂滿經滯。

逍遙散（方見經水門）治潮熱血少。

白虎湯 白虎湯用石膏煨，知母甘草梗米陪，亦有加入人

參者，中消胃熱舌生胎。治中消血干。

紅花散 紅花當歸散牛膝，桂枝甘同芍藥赤，紫葳蘇木寄奴兼，以此服之攻血積。治經血閉滯。

玉燭散（方見經水門）治經閉腹痛。

溫經湯（方見經水門）治血海寒冷，經血凝滯。

分心氣飲 分心氣飲紫蘇君，赤芍羌通及二陳，大腹青皮桑白炒，好將官桂善調停。治氣滯不散，經脈不行。

卷之三 崩 漏

暴下為崩，淋漓為漏；病有舊新，治分先後。

沖任虛損，復為勞傷，不能約制，血下時常。

元氣不足，益胃升陽；血脫補氣，古法殊良。

腎水有虧，不能固守，包絡火動，血崩而走。

陽搏陰虛，即為此候，涼血地黃，奇功屢奏。

有因陽脫，陰火亦亡，命門下陷，舉經升陽。

有因虛損，淋漓不常，臍腹疼痛，須膠艾湯。

四物荊穗，止血有功。四君干姜，溫胃宜宗。

樗白皮散，亦能止血，血下無度，用之攔截。

經脈錯亂，不循故道，三日不已，便有積瘀。

凝成窠臼，勿可澁住，止中帶行，庶几不誤。

寒涼之味，亦戒多投，脾胃受傷，厥疾不瘳。

大抵此症，脾胃虛甚，胃虛不升，脾虛不運，脫漏下流，誠為至論。升補溫中，古人之訓。

補中益氣，炮以干姜。陽病治陰，陰病治陽，定其血氣，各守其鄉。

益胃升陽湯 益胃升陽陽生陰，補中益氣耑黃芩，血脫何如先補氣，陽生陰長古傳今。治婦人血崩不已，用此以助生陽之氣，此血脫補氣之法也。

涼血地黃湯 涼血地黃十七家，芎歸羌細蔓升柴，荊防藁本同甘草，芩連知柏及紅花。治血崩不止，腎水虛而不能約制者。

升陽舉經湯 升陽舉經柴藁本，參芪朮芍芎歸等，甘防羌獨地桃紅，桂附細辛十八并。治經血不止，右尺脈虛，是氣血俱脫大寒之症。輕手數疾，舉指弦緊或澀，皆陽脫之症，陰火亦亡，熱症見于口鼻或渴，此陰燥陽欲先去也，法當升、溫以補命門之火。

膠艾湯 膠艾湯傳自古昔，四物加甘共七味，當歸水酒一同煎，專治下血與淋漓。治勞傷血氣，月經過多，淋漓不已，腹中疼痛。

四物湯 （方見經水門）加荊芥穗可止血。

四君子湯 四君參朮苓甘草，補氣調中最妙方，假使脾虛致下血，炮姜加入服之良。脾胃虛寒，下血不已，加炮姜溫之。

檉白皮散 檉白皮散生熟地，歸頭白芍川芎輩，地榆芩艾伏龍肝，十味水煎加醋七。治崩漏不止，血下無度。

補中益氣湯 補中益氣倍參芪，歸朮柴升草橘皮，胃弱血虛元氣脫，扶元升舉莫教遲。治脾胃久虛，血脫下行。用此升提胃氣，其血自止。

卷之四 赤白帶

原夫帶脈，起于季脇，沖任之經，皆絡帶脈。

今者沖任，或蓄余血，濕熱郁久，乃成濁血，穢滑稠粘，為赤為白，行于帶分，綿綿不絕。頭目昏眩，口苦舌干，小便黃

澁，大便亦難，帶下有此，皆以熱看。

二陳蒼柏，赤白主之；芎藭芍藥，香附樗皮，或有兼症，加減隨宜。

亦因痰積，下滲所致，二陳蒼白，升柴之類。

瘦人患此，多屬血熱，用濟陰丹，可使熱撤。

肥人患此，多是濕痰，行痰燭熱，宜小胃丹。

虛人患此，日久不息，肌瘦潮熱，倦怠無力，腰脊痠痛，小便淋漓，人參黃芪，加味四物。

其有白淫，下如精狀，所願不得，相火之妄，滋陰降火，補益為當。

其有白濁，下如米泔，亦是濕熱，或兼有痰，二陳蒼白，五苓相參。

有如黃漿，或如血水，不時下流，莫之能止。

蓋以沖脈，經脈之海，主滲谿谷，與陽明會。陽明為長，并屬帶脈，今則胃虛，不能化理；沖脈失養，不為傳注，蓄為穢水，妄下不已，益胃升陽，專補胃氣，胃氣一振，病斯愈矣。

二陳湯 二陳苓夏草陳皮，痰在周身最合宜，赤白帶淋因濕熱，并加蒼柏莫教遲。治赤白帶，加蒼朮、黃柏主之。隨症加減。

魏君元濟陰丹 蕎麥將來為細粉，只調鷄子清成丸，空心服丸三、五十，帶淋血熱亦相安。治赤白帶下。

小胃丹 芫花大戟并甘遂，大黃黃柏相為配，粥丸黍大量人施，實者宜投虛者碍。治濕痰滲下，以致白帶連綿不已。

人參黃芪湯 人參黃芪湯八物，鹿角車前同地骨，專醫帶下氣血虛，面黃潮熱肢無力。治久患帶下，面黃瘦削，潮熱無力，氣血兩虛者宜用。

加味四物湯 加味四物貝樗皮，黃柏炮姜甘草隨，血虛久帶堪施用，雜症相兼加減宜。治血虛帶下不已，肥者加二朮半夏；

赤者加条芩荆芥穗，气虚加参芪。

滋陰降火湯 滋陰降火古方奇，四物湯加柏与知，天麦二冬加远志，朮焦草炙共陈皮。治肾虚相火妄动，时下白淫。

五苓散 五苓散用能行湿，泽瀉猪苓茯苓与朮，肉桂为之酌量加，須知利水兼清热。治湿热下迫，或下如米泔，用此方合二陈湯加蒼朮、白朮服之。

益胃升陽湯（方見崩漏門） 治冲任虚損，胃气下陷，致穢水下流，用此升提胃气。

卷之五 胎 妊

女子二七，天癸始至，月事时下，乃能有子。

冲为血海，任主胞胎，經調血足，孕可成哉。

胎妊之成，陰陽之理，陰精先至，陽精后冲，陰开裏陽，男形成矣；陽精先至，陰精后参，陽开裏陰，女形成矣；陰陽均至，非男非女，兩精散分，为兩为三。

妊妇之病，为症不一，嘔吐惡心，胸滿痞塞，时或發热，气不足息，喜欢餌果，不甘谷食，怠惰嗜臥，四肢無力。

凡此之类，宜乎辨識，用藥精詳，不可輕率。

怀胎惡阻，嘔吐不时，惡聞食气，人參橘皮。

怀胎浮腫，气悶喘息，胎水泛濫，全生白朮。小便帶澀，悶乱煩心，膀胱蓄热，是为子淋，子淋散服，其效如神。

膈聚痰飲，躁悶不安，体热嘔惡，是为子煩，麦門冬飲，治疗何难。

妊妇卒倒，是为子癇，涎流口噤，手足拘攣，羚羊角散，可使之安。

妊婦下血，是為胎漏，沖任脈虛，故為下湊，芎歸艾膠，用之不謬。

有因體弱，起居失宜，胎動不安，安胎飲之。

有為子懸，心腹滿痛，胎上逼胸，達生散用。

清熱養血，必用黃芩；安胎補脾，勿離白朮；順氣止痛，加以砂仁；補腎固胎，尤宜杜仲。

妊娠至藥，大綱如斯，設有他疾，別門參之。

偶因跌仆，傷動胎兒，血下作痛，昏絕欲危，宜用佛手，頻進服之，胎安痛止，胎損即離。

胎產危症，欲辨生死，面以候母，舌以候子。

面赤舌冷，舌下脈青，其胎已死，其母得生。

舌赤面青，或兼沫出，其子得生，其母必卒。

面青舌冷，沫出不收，唇口俱黑，胎母皆休。

人參橘皮湯 人參橘皮湯八味，白朮云苓厚朴比，竹茹甘草麥門冬，加入生姜理胎氣。治懷胎惡阻，飲食不入，嘔吐痰水。

全生白朮散 全生白朮茯苓參，大腹陳皮甘草并，佐以姜皮共七味，懷胎肢腫服之平。治子腫，胎水泛濫。

子淋散 子淋散用麥門冬，大腹苓甘與木通，竹葉再加惟六味，尿淋作痛奏奇功。治妊娠小便淋瀝作痛。

麥門冬飲 麥門冬飲赤茯苓，寄生白芍與條芩，旋復陳皮并甘草，地黃桔梗共人參。治妊娠煩悶，虛躁，吐逆，惡食，多臥，百節疼痛。

羚羊角散 羚羊角散五茄皮，獨活川芎杏與歸，薏苡茯苓防甘草，木香酸棗子癰宜。治妊娠頭項強直，筋攣脈急，語言蹇澀，口吐痰涎，不時發搐，不省人事，名曰子癰。

芎歸膠艾湯 芎歸膠艾療胎漏，芍地芪榆甘共湊，姜棗加煎九味中，量投參朮奇功奏。治胎漏下血。

安胎飲 安胎飲可安胎住，四物陈皮甘草类，人参白朮紫苏芩，十味服之功乃倍。治胎动不安。

达生散 达生八味紫苏陈，甘草人参大腹鄴，当归白芍川芎等，子悬作痛效如神。治胎气上冲，心腹满痛，名子悬。

佛手散 佛手当归与撫芎，水煎候沸酒和冲，损伤坐草皆宜用，胎殞催生立見功。治伤动胎兒，下血作痛。

十月养胎

一月肝。二月胆。三月心肺絡。四月三焦。五月脾。六月胃。七月肺。八月大腸。九月腎。十月膀胱。諸陰陽各养三十日，活兒。手太陽小腸、手少陰心不养者，下主月水，上为乳汁，活兒、养母。四时之令，始于春木，故养胎始于肝胆也。

葯物禁忌歌

蛭斑水蛭及蠱虫，烏头附子配天雄，野葛水銀并巴豆，牛膝薏苡与蜈蚣，三稜芫花代赭麝，大戟蟬蛻黃雌雄，牙硝芒硝牡丹桂，槐花牽牛皂角同，半夏南星与通草，瞿麦干姜桃仁通，礞砂干漆蟹爪甲，地胆茅根都失中。

卷之六 产 后

所謂产后，大补为主，虽有杂症，以末治之。辛末二字，标本之义，率指为虛，失其原意。

尝观产病，瘀积为多，停食感冒，詎可补乎。

診脉問病，深加詳察，推陈致新，亦是补法。

产有难易，血有多少，辨症用葯，运心之妙。

感冒風寒，寒热相間，惡露少行，头痛腹滿，五积交加，用时加減。

过伤饮食，胸膈不宽，身热血阻，呕气作酸，葱白散子，增損其間。

陰血暴亡，陽無所附，浮散于外，發熱無度，四物湯中，炮姜加服。

寒涼傷胃，發熱非常，陰寒在內，以隔其陽，四君為主，肉桂干姜。

心腹疼痛，惡寒發熱，按之痛甚，此有瘀血，川芎當歸，失笑允協。

血亡過甚，津液枯干，不得傳送，大便艱難，四物湯中，及麻仁丸。

敗瘀不盡，迷亂心神，狂妄不正，言語無倫，延胡琥珀，聚寶七珍。

氣血暴虛，心神無主，怔忡不安，不時驚悸，益母安神，湯藥兼與。

目暗頭眩，有如風狀，投清魂散，得以無恙。

瘀血入脾，嘔惡欲吐，抵聖湯者，進之能愈。

產後蓐風，兩睛直視，身硬反張，荊芥一味。

產後中風，口眼喎斜，手足抽搐，續命煮佳。

五積交加散 交加散桔壳麻黃，芎歸姜桂芷朴蒼，白芍二陳同和入，柴煎二味與參羌。治產後風寒兩感，惡露不通，身熱頭痛。

葱白散 葱白散用四物君，參苓姜桂朮茵青，麥芽朴麵兼和壳，苦楝相攪及莪稜。治產後惡露不行，心腹作痛，或感冒停食。

四物湯（方見經水門）治產後暴下血，多亡陽發熱，加炮姜、肉桂服。

四君子湯（方見崩漏門）治產後寒涼傷胃，陽不得入，用此加干姜、肉桂。

当归川芎湯 当归川芎芍地黄，澤蘭香附桃紅牡，延胡更
復入青皮，水煮还加童便酒。治产后瘀血停滯，按之痛甚，或發
寒熱。

失笑散 失笑二味五靈脂，蒲黃等分炒為宜，三錢為末酒
和服，血痛心迷莫用遲。治产后心腹絞痛欲死，或血迷心竅，不省
人事。

麻仁丸 麻仁丸用錦紋黃，佐以人參最妙方，煉蜜為丸服
三十，便通效驗不尋常。治产后去血過多，津液枯竭，不能大便。

延胡琥珀散 延胡琥珀十四味，四物蓬香桃與枳，蒲黃沒
藥桂丹皮，惡露攻心狂不已。治产后惡露攻心，狂妄不已。

聚寶丹 聚寶丹中歸琥珀，木通麝乳辰砂沒，酒和成錠酒
磨服，敗血攻冲奏奇績。治产后血氣上攻作痛。

七珍散 七珍散治血攻迷，菖蒲辛防芍地隨，更用人參硃
砂入，湯煎薄荷最為宜。治产后血迷心竅，昏亂狂言。

益母濟陰丹 益母濟陰丹一味，陰干勿使犯鉄器，搗摩蜜
煉却成丸，胎產諸般病自愈。治胎產一十九症。

硃砂安神丸 硃砂安神用生地，甘草歸連共五味，血虛盜
汗自相宜，更治怔忡與驚悸。治产后血暈驚悸。

清魂散 清魂散君荊芥穗，澤蘭川芎參草配，產中昏暈不
知人，目眩頭旋皆可治。治产后血暈不知人。

抵聖湯 抵聖清魂大略同，參陳甘草澤蘭從，荊芥除之更
半夏，五樣加薑除嘔功。治产后瘀血入脾，嘔惡欲吐。

荊芥散 荊芥穗炒黑成研，再加童便效如神，惡風癰瘰由
新感，崩下頭眩最有靈。治产后偶冒風寒，發熱頭痛，兩目直視，
手足癱瘓，名曰惡風。

續命煮煎 續命煮煎四物參，荊羌桂草葛根辛，半夏防風
兼遠志，中風血少力通神。治产后中風口噤，半身不遂。

附經驗方 邵炳揚輯

爛 喉 痧

道光己酉，(陽明燥金司天，少陰君火在泉)春仲，民病時行。初起，咳嗽氣痞，二、三日，發有疳痧，咽喉腫痛，甚至口舌糜腐，痰壅氣喘，終為肺閉而死。予從山東程司馬處，得異功散方，如法用之，提出一泡，以透邪毒，頗為神效。并仿普濟飲、鼠粘子湯各法，加入干浮萍、人中黃服之，病始退。或愈后，陽明邪實，咳嗽不已，再以清金法調之，旬日乃痊。

異功散 斑蝥(米炒去米)四錢 全蠍六分 血竭六分 元參六分 乳香六分 沒藥六分 麝香三分 冰片三分 上藥共為細末，收入磁瓶。臨用以膏藥一張，納藥如黃豆大，左貼左，右貼右，在頸內約半日即起泡，揭去膏藥，銀針挑穿，出水，以竹紙貼之，避風。孕婦忌貼。

普濟消毒飲 黃連 黃芩 薄荷 連翹 柴胡 升麻 甘草 桔梗 元參 馬勃 牛蒡 白芷 制蟄 板藍根

鼠粘子湯 鼠粘子 防風 荊芥 甘草

轉 筋 霍 亂

轉筋霍亂，古有是症，而道光辛巳為尤甚，投以向來治疫各方，不應。予見是症，初起即現吐瀉轉筋而肢冷皮皺，脛陷音低，冷汗脈伏，半屬陽氣先亡之兆。乃制至寶回生丹貼臍上，而首以回陽法進；甚者投扁鵲玉壺丹而效。迨同治二、三年，避兵滬城，其症更甚，子發午死，午發子死，往往投熱藥而生。至于陽回后，變症不一，有化火液涸者，有昏陷口噤者，有作紅

白痢者，則宜轉溫劑為清劑，不得謂專用熱藥者效，亦不得謂專用涼藥者效，互相許訟也。因重刻是症治法，以質高明。

至寶回生丹(自制) 麝香三分，硫黃(水豆腐制)一錢 丁香一錢 吳茱萸一錢 肉桂一錢 白胡椒一錢 上藥研細，裝瓶蠟封。每用二分二厘，葱汁沾濕納入臍中，以暖臍膏烘熱蓋貼，再用炒熱麩皮布包熨腹。此藥只可貼不可吃。孕婦忌貼。

回陽救急散(自制) 附子四兩 萆撥二兩 吳茱萸一兩二錢 桂枝三兩 木香三兩 良薑三兩 公丁香二百只 上藥共為細末。每服三錢，白湯調服。此症切忌米飲湯、紅靈丹、玉樞丹等味。

又措方 辣蓼草(搗爛。俗名水紅花)半觔 木瓜(切片)四兩 桂枝五錢 生薑三兩 用黃酒二斤，加水煎滾，措熨四肢麻木處。

又擦方 高粱燒酒四兩 樟腦四錢 同燉烊，用生薑一大塊切平，蘸擦四肢灣。

萬龍玉壺丹 硫黃八兩 玉壺指人身而言。道書曰：“金精滿鼎氣歸根，玉液盈壺神入室。”玄壽先生曰：“硫是硃之積，硃是鐵之精，生于溫泉，产于山旁，有水火既濟之妙。”本草治陰寒惡疾，不言治賊。今人用治命門火衰，陽氣暴絕，却有神效。王晉三先生得異授制法當宗之：好硫黃八兩，配真蘇油八兩。以硫打碎，入冷油內，燉爐上，炭火宜微勿烈，以桑條徐調，候硫溶盡，即傾入大水內，急攪去上面油水，其色如金。取缸底淨硫，秤見若干兩，仍配香蘇油若干兩，照前火候，再溶再傾，連前共三轉。第四轉，用真棉花核油，配硫若干兩，照前火候，再溶再傾，入大水內，急攪去上面油水，其色如絳。第五轉，用肥皂四兩，水中同煮六時。第六轉，用皂莢四兩，水中同煮六時，拔淨制硫之油，攪去其水，其色如硫火之紫。第七轉，用